



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU HRVATSKE STRANKE PRAVA-PRAVAŠI

Broj: 03-07-6-647/17
Sarajevo, 01.06.2018. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1 NALAZI	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske stranke prava-Pravaši za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2016. godinu, utvrđeno je da je Hrvatska stranka prava-Pravaši prekršila odredbe člana 5. stav (4), člana 11. stav (1), člana 12. stav (1), stav (3), stav (4) i stav (5) Zakona o finansiranju političkih stranaka, te odredbe člana 15.1, stav (1) i člana 15.10 Izbornog zakona Bosne i Hercegovine.

Pregledom, odnosno kontrolom finansijskih izvještaja, osim gornjih napomena nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske stranke prava-Pravaši za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska stranka prava-Pravaši se finansirala iz sljedećih izvora:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	0,00
2.	Prilozi fizičkih lica (3-a)	1.050,00	17,57
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od pr.lica (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	4.925,00	82,43
8.	Prihodi od propagande (3-g)	0,00	0,00
I	Ukupni prihodi (1-8)	5.975,00	100,00
II	Ostali prihodi i drugo	0,00	0,00
	Izvori finansiranja (I+II)	5.975,00	100,00

U godišnjem finansijskom izvještaju stranka je iskazala rashode u ukupnom iznosu od 7.109,00 KM.

2. PREDSTAVLJANJE POLITIČKE STRANKE

Naziv političke stranke je Hrvatska stranka prava-Pravaši. Skraćeni nazivi stranke je HSP-Pravaši. Hrvatska stranka prava-Pravaši registrovana je kod Općinskog suda u Livnu, rješenjem broj: 068-0-F1-16-000-001 od 17.03.2016. godine.

Sjedište političke stranke je u Tomislavgradu, ulica Brigade kralja Tomislava bb.

Lice ovlašteno za zastupanje stranke je Ivica Kelava, predsjednik stranke.

Prema podacima iz godišnjeg finansijskog izvještaja za 2016. godinu, organizacionu strukturu Hrvatske stranke prava-Pravaši čini:

- Središnji ured HSP-Pravaši.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske stranke prava-Pravaši za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Hrvatske stranke prava-Pravaši obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja političke stranke se obavlja prvi put.

5. NALAZI I PREPORUKE REVIZIJE

5.1 NALAZI

a) Hrvatska stranka prava-Pravaši prekršila je odredbe člana 5. stav (4) Zakona o finansiranju političkih stranaka.

- Hrvatska stranka prava-Pravaši u bruto bilansu i u godišnjem finansijskom izvještaju nije iskazala nenovčanu donaciju po osnovu besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Uvidom u dokumentaciju utvrđeno je da je stranka koristila prostor u vlasništvu fizičkog lica, bez naknade.

Hrvatska stranka prava-Pravaši je korištenjem poslovnog prostora u vlasništvu fizičkog lica, bez plaćanja zakupnine, primila nenovčanu donaciju, koju je imala obavezu da evidentira u poslovnim knjigama i istu iskaže u finansijskom izvještaju za 2016. godinu.

- Uvidom u izvode stranke utvrđeno je da je stranka primila prilog fizičkog lica, a da nije izdala potvrdu o prijemu priloga, čime je prekršila odredbe člana 5. stav (4) Zakona i odredbe člana 6. Pravilnika o godišnjim finansijskim izvještajima političkih stranaka—u daljem tekstu: Pravilnik.

b) Stranka je prekršila odredbe člana 11. stav (1) i člana 12. stav (1) Zakona o finansiranju političkih stranaka.

Pregledom godišnjeg finansijskog izvještaja za 2016. godinu, utvrđeno je da je stranka pogrešno iskazala prihode, rashode i obaveze u Bruto bilansu na dan 31.12.2016. godine, što ukazuje da nije vodila poslovne knjige u skladu sa računovodstvenim propisima, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka. Takođe je utvrđeno da stranka nije obrasce godišnjeg finansijskog izvještaja popunila u skladu sa Pravilnikom, čime je prekršila odredbe člana 12. stav (4) Zakona o finansiranju političkih stranaka.

- Stranka u obrascu 1 (Opšti podaci o političkoj stranci) finansijskog izvještaja nije navela podatke o licima ovlaštenim za zastupanje stranke i podnošenje finansijskih izvještaja, čime je prekršila odredbe člana 9. Pravilnika.
- U obrascu 2 finansijskog izvještaja (Pregled prometa svih transakcijskih računa političke stranke) utvrđeno je da je stranka pogrešno iskazala promet ulaza i promet izlaza po transakcijskom računu, čime je prekršila odredbe člana 11. Pravilnika.

Uvidom u izvode sa transakcijskog računa, utvrđeno je da je ukupan promet ulaza iznosio 7.174,50 KM, a promet izlaza 7.066,70 KM, dok je stranka u obrascu 2 iskazala promet ulaza u iznosu od 5.975,00 KM, odnosno promet izlaza u iznosu od 5.867,00 KM.

- U obrascu 3-f finansijskog izvještaja (Prihodi iz budžeta) stranka je iskazala prilog fizičkog lica u iznosu od 4.925,00 KM, čime je prekršila odredbe člana 19. Pravilnika.

Uvidom u izvode stranke utvrđeno je da je fizičko lice Ivica Kelava stranci uplatilo novčana sredstva u iznosu od 5.974,50 KM. Stranka je iskazala prilog fizičkog lica u iznosu od 1.050,00 KM, dok je razliku iskazala kao prihod iz budžeta Općine Tomislavgrad u iznosu od 4.925,00 KM.

- Pregledom je utvrđeno da stranka u obrascima 3-e finansijskog izvještaja (Prihodi od darova i usluga koje politička stranka nije imala obavezu platiti) i 4.1 finansijskog izvještaja (Režijsko-administrativni i ostali troškovi) nije iskazala nenovčanu donaciju primljenu po osnovu besplatnog korištenja poslovnog prostora kao i trošak nastao po istom osnovu, što je suprotno odredbama člana 13., 18., 21. i 22. Pravilnika.
- Pregledom dokumentacije utvrđeno je da stranka u obrascu 5 (obaveze političke stranke) nije iskazala obaveze prema fizičkom licu po osnovu pozajmice u iznosu od 1.200,00 KM i obavezu prema dobavljaču RTG Tomislavgrad u iznosu od 4.161,00 KM, čime je prekršila odredbe člana 24. stav (1) i (2) Pravilnika.

c) Stranka je prekršila odredbe člana 12. stav (3) Zakona o finansiranju političkih stranaka i odredbe člana 15. 1 stav (1) Izbornog zakona Bosne i Hercegovine.¹

Hrvatska stranka prava-Pravaši je finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine dostavila nakon zakonom propisanog roka, tj. dana 07.02.2017. godine, čime je prekršila odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona BiH.

d) Hrvatska stranka prava-Pravaši prekršila je odredbe člana 12. stav (5) Zakona o finansiranju političkih stranaka.

Hrvatska stranka prava-Pravaši nije postupila u skladu sa zahtjevom Centralne izborne komisije BiH, tj. nije u potpunosti dostavila dodatnu dokumentaciju, čime je prekršila odredbe člana 12. stav (5) Zakona o finansiranju političkih stranaka.

Uvidom u službene evidencije, utvrđeno je da na zahtjev Centralne izborne komisije BiH da dostavi dodatnu dokumentaciju (Bruto bilans stranke na dan 31.12.2016. godine, Glavnu knjigu sa kompletnim analitičkim evidencijama stranke za period 01.01.-31.12.2016. godine, dokumentaciju o korištenju poslovnog prostora u 2016. godini, potvrde o primljenim priložima fizičkih lica, kopiju računa za troškove propagande i kopije izvoda sa transakcijskog računa broj: 3382302263458194

¹ Politička stranka i nezavisni kandidat koji učestvuju na izborima za organe vlasti Bosne i Hercegovine na svim nivoima dužni su, Centralnoj izbornoj komisiji BiH, u roku od trideset dana od dana objavljivanja izbornih rezultata u Službenom glasniku BiH, podnijeti finansijski izvještaj za period od dana podnošenja prijave za ovjeru za izbore do dana ovjere rezultata izbora (postizborni finansijski izvještaj). U skladu sa odredbom člana 15.1 stav (1) Izbornog zakona BiH, krajnji rok za dostavu postizbornog izvještaja za Lokalne izbore 2016. godine bio je 01.12.2016. godine.

kod UniCredit Bank za period 01.01.-31.12.2016. godine), stranka nije dostavila Glavnu knjigu sa kompletnim analitičkim evidencijama stranke za period 01.01.-31.12.2016. godine.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH.

Hrvatska stranka prava-Pravaši je prema podacima Centralne izborne komisije BiH, a na osnovu broja birača, u svrhu izborne kampanje za Lokalne izbore 2016. godine mogla potrošiti sredstva u iznosu od 5.832,60 KM.

Uvidom u Bruto bilans stranke i dokumentaciju koju je stranka dostavila, utvrđeno je da su za potrebe izborne kampanje za Lokalne izbore 2016. godine utrošena sredstva u iznosu od **5.909,00 KM, čime su prekršene odredbe člana 15.10 Izbornog zakona BiH.**

5.2. PREPORUKE

Preporučuje se Hrvatskoj stranci prava-Pravaši da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi evidencije o svojim nenovčanim donacijama,*
- *da izdaje potvrde o primljenim priložima,*
- *da vodi poslovne knjige u skladu sa računovodstvenim propisima,*
- *da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i dostavlja u zakonom predviđenom roku,*
- *da dostavlja dodatnu dokumentaciju i*
- *da u svrhu izborne kampanje troši sredstva u zakonom dozvoljenom iznosu.*

KOMENTAR:

U ostavljenom roku, Hrvatska stranka prava-Pravaši se očitovala na Preliminarni izvještaj o pregledu godišnjeg finansijskog izvještaja za 2016. godinu, odnosno stranka je dostavila korigovane obrasce godišnjeg finansijskog izvještaja, čime je otklonila nedostatke utvrđene u Preliminarnom izvještaju.

Služba za reviziju je uvažila adekvatno izvršene ispravke obrazaca 4 i 4.2 finansijskog izvještaja, pa je u skladu sa istima korigovala nalaze revizije.

Šef Odsjeka za revizijske poslove

Sanja Tošović

Revizor

Veliborka Kenjić

Šef Službe za reviziju

mr.sc Hasida Gušić

² Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.